

鞞婆沙論

才五

四百廿  
洛五

50916

Handwritten text along the right edge of the page, possibly bleed-through or marginalia.



皇圖

聖

帝

佛

日

轉

山... 州... 寺... 法... 金... 剛... 院... 置

九年丙子二月... 里脩

Vertical text on the right side of the central seal area.

鞞婆沙論卷第五

洛

迦旃延子造

符秦罽賓三藏僧伽跋澄譯

十八界處第十七

十八界者眼界色界眼識界耳界聲界耳識  
 界鼻界香界鼻識界舌界味界舌識界身界  
 細滑界身識界意界法界意識界說曰此界  
 亦是細說亦是廣說略說者因大經故如大  
 本起大般泥洹廣說者因入故入者亦是略  
 說亦是廣說略說者界故廣說者陰故陰者  
 亦是略說亦是廣說略說者入故廣說者如  
 所說諸有為求是苦因彼故更有說者界者  
 亦是略說亦是廣說即此界故此界中說色



心廣心數法略入亦是略說亦是廣說即此  
入故入中說色廣心心數法略陰亦是略說  
亦是廣說即此陰故陰中說心數法廣色心  
略更有說者界者一向說廣問曰何以故界  
一向說廣答曰攝一切法故大本起大般泥  
洹雖說廣但彼非攝一切法入中雖攝一切  
法但不說廣陰中不攝一切法陰者雖攝有  
爲法但不攝無爲亦不說廣此界一向說廣  
及攝一切法此是佛世尊略說廣說非尔所  
廣說如大本起大般泥洹亦非尔所略說如  
二施法施財施問曰若不尔者此云何答曰  
若法前說廣後說略謂十八界法此攝受立

十二入中謂十二入法此攝受立五陰中除  
無為法謂五陰法此攝受說諸有為求是苦  
諸有為求者是謂世尊一向略說此是佛略  
說廣說世尊因此告舍利弗我能為  
諸弟子法略說廣說但知者難因此略說廣  
說故尊者舍利弗白世尊曰唯世尊但當略  
說及廣說法能有知法者因此略說廣說故  
作譬喻如海中大龍海中長養身已昇在虛  
空雲覆虛空放電光震大音聲我當降雨彼  
時百穀藥木樹神恐怖作是念海龍大身若  
雨者當有所壞彼時此地亦不畏懼堪受龍  
雨百歲千歲我能盡受如海大龍如是世尊

從幢英佛定光惟衛式棄隨葉拘留秦拘耶  
含牟尼迦葉三耶三佛長養法身以大悲乘  
虛空以大慈雲覆陰世間放智電光震大法  
音舍利弗我能爲諸弟子法略說廣說但知  
者難如百穀藥木樹神恐怖如是一切聲聞  
恐怖作是念世尊能異名異句異味異法異  
義若說法者恐不能知如地不畏懼堪受龍  
雨如是尊者舍利弗六十劫中長養智見堪  
受世尊略說廣說能有知法者因此略說廣  
說故問曰如有法如舍利弗百千那術數非  
其境界所知何以故舍利弗堪受世尊答曰  
堪受聲聞境界非佛境界堪受聲聞智非佛

智堪受聲聞行非佛行或曰堪受依佛尊者  
舍利弗作是念此世尊等說饒益不空說法  
一向滿具隨器說法以是故尊者舍利弗堪  
受世尊十八界者眼界乃至意界問曰名十  
八界種有幾荅曰名十八界種或十七或十  
二若取六識者失意界如是名十八種十七  
若取意界失六識如是名十八種十二是名  
十八界種或十七或十二如名如種如是名  
數種數名相種相名異種異名別種別名覺  
種覺盡當知問曰若十八界種或十七或十  
二云何名立十八界荅曰以三事故身依緣  
謂十八界六身六依六緣六身者六內眼界

界耳鼻舌身意識界六依者六識界眼識界耳  
鼻舌身意識界六緣者六外界色界聲香味  
細滑法界是謂三事故身依緣是立十八界  
如佛契經所說六十二界彼盡入中此三事  
故身依緣問曰何以故世尊說六十二界答  
曰斷異學意故此身見六十二見根斷身見  
故佛契經說六十二界如彼佛契經所說拘  
翼此世種種界無量界彼謂知界於彼彼界  
力盜一向入說此佛契經以見名說界此盡  
入十八界中以三事故身依緣佛所說契經  
以大樹作喻說諸比丘如大樹葉界亦亦數  
此佛契經以見名說界此亦盡入十八界中



以此三事故身依緣是謂名立十八界此是  
界性已種相身所有自然說性已當說行何  
以故說界界有何義答曰性義是界義段義  
分義微義異相義不相似義斷義種種事是  
界事舍提說曰趣趣者是界持長養是界性  
義是界義者一身一意有十八性如一山中  
多有性鐵性銅性白鐵性鉛性金性銀性  
琉璃性水精性如是一身一意有十八性是  
性義是界義段義是界義者次第布肉便數  
有男有女如竹篾次第織便數名蓋是扇如  
木片便數為車宮舍講堂臺觀如是次第布  
肉段便數為男女是段義是界義分義是界

義者女十八分男十八分是分義是界義微  
義是界義者女十八微男十八微是微是界  
義異相義是男義者眼相異至意相異是異  
相義是界義不相似義是界義者眼界不相  
似至意界不相似是不相似義是界義斷義  
是界義者眼界斷三界至意界斷三界是斷  
義是界義種種事是界事者謂眼界事非至意  
界事謂意界事非至眼界事是種種事是界  
事舍提說曰趣趣者是界持長養是界趣趣  
是界者趣諸界諸趣諸生趣輪轉生死持者  
已性長養者他性是謂性義是界義段義分  
義微義異相義不相似義斷義種種事是界

事舍提說曰趣是界持長養是界如是共行  
說已當說別行云何眼界答曰謂眼見色已  
見當見今見及此餘所有已見者是過去當  
見者未來今見者現在及此餘所有者謂彼  
眼識或空或非空更有說者謂我眼見色是  
我所有餘一切衆生餘所有謂我眼不見色  
是我餘所有餘一切衆生亦餘所有更有說  
者謂我眼見色是我所有餘一切衆生亦所  
有謂我眼不見色是我餘所有餘不見色亦  
餘所有問曰如無此事一眼二人見色況多  
何以故說謂我眼見色是我所有餘一切衆  
生亦所有答曰頗有此以他眼見色耶但眼

所用事因見色彼見已便滅謂用事已便滅  
以是故說謂我眼見色是我所有餘一切衆  
生亦所有更有說者謂我眼見色是我所有  
餘一切衆生亦非所有亦非餘所有謂我眼  
不見色是我餘所有餘一切衆生非所有亦  
非餘所有此者不論此眼云何非所有非餘  
所有問曰若不論者此云何荅曰如是好如  
前所說謂我眼見色是我所有餘一切衆生  
餘所有謂我眼不見色是我餘所有餘一切  
衆生亦餘所有問曰如一眼能見色二眼不  
見色云何見非見因非見見因荅曰因見不  
見來因不見見未是各各相來故謂之因見

不見持不見見持是各各相持故謂之因見  
不見等持不見見等持是各各等相持故謂  
之因因見不見生因不見見生各各相生故  
謂之因見不見養不見見養各各相養故謂  
之因見不見長不見見長各各相長故謂之  
因或曰謂眼見及不見此二俱一界一入一  
根一見一界者眼界一入者眼入一根者眼  
根一見者眼見如眼界耳鼻舌身界亦介問  
曰色界云何荅曰謂色眼已見當見今見及  
此餘所有已見者過去色當見者未來色今  
見者現在色及此餘所有者闕實說餘所有  
色四種有過去色謂眼不見已滅有當來色

謂眼不見當滅有現在色。謂眼不見而滅復有當來色不生法。是謂罽賓說餘所有色四種外者說餘所有色五種有過去色。謂眼不見已滅有當來色。謂眼不見當滅有現在色。謂眼不見而滅復有當來色不生法不生法。色者有二種。或眼識空或非空。是謂外者。餘所有色說五種說曰復有所有色。或一衆生境界。或二。或至百千。謂一衆生見至百千。此云何。如說法者昇乎高座。百千衆生見已起。彼緣識彼所有不起者。餘所有如月初生。百千衆生見已起。彼緣識彼所有不起。餘所有如大聚會莊嚴一女伎人。百千衆生見已起。

彼緣識彼所有不起者餘。所有說曰復有餘。所有色或一衆生不見或二乃至百千如山根山谷山腹山內此大地內大海內須彌山王內雖彼天眼境界但不用故不見。問曰非佛眼境界耶。答曰頗有佛天眼常現在前耶。如色界聲香味細滑界亦尔。問曰云何眼識。界。答曰眼緣色生眼識。問曰如除已性餘一切法緣生眼識何以故。說眼緣生眼識。答曰謂彼近與增上緣。彼眼色生眼識時極近與增上緣非如已生老無常。或曰謂彼依及緣依者眼緣者色。或曰謂彼內及外內者眼外者色。或曰謂彼根及根義。根者眼根義者色。

是說眼緣色生眼識問曰如色緣生識何以  
說眼識不說色識答曰應說如彼外塵經所  
說色更樂緣生識若不說者是世尊有餘言  
此現義門現義略現義度當知義或曰妙說  
妙義故雖色緣生識但彼眼生識時妙義如  
伎染衣書如所說某處作伎非無女伎非無  
彈伎非無歌伎非無教伎非無守者但彼伎  
主極妙事是說某處作伎如說人染衣非是  
人染衣是色染衣但彼人於染極妙事是說  
人染衣如說以筆書作字非無墨非無紙非  
無人方便但彼筆於字極妙是說筆妙如是  
雖色緣生識但彼眼生識時妙事是妙說妙



義故如伎染衣書或曰眼及眼識一依一意  
可得色不定或曰眼內色不定或曰眼在已  
意神意者也色不定尊者婆須蜜說曰如色緣生  
識何以故說眼識不說色識答曰依眼非色  
重說曰眼妙非色重說曰眼已意可得非色  
重說曰眼近事色不定重說曰眼受非色重  
說曰眼增減識亦增減非色重說曰眼增上  
緣非色尊者曇摩多羅說曰若無眼者必不  
生識問曰若無色者亦不生識答曰若無一  
色者更有二乃至百千色若無眼者以那術  
色在前不可依此生識是故說數事  
依倚及妙已意近受增及上緣師想在後

眼知色者問曰如識知色非眼知色何以故  
說眼知色荅曰此說應當尔眼到眼識所教  
謂之見應尔問曰若不尔者何意荅曰具故  
如商人行道彼非商人行是足行但彼商人  
於行爲具足說商人行道如是雖識知色但  
彼眼見色具是故說眼知色或曰除重說荅  
故如後當說眼知色謂心意識問曰心意識  
有何差別一說者無有差別心意識一義無  
若干義如此誦十種名彼說火有十名火炎  
燃熾盡薪惡黑烟居明炎雪怨此是火十名  
彼同是一如是誦火色者說火色有十名  
火赤多瘦死 黃色起刀兵 紅炎有飢饉

雜色宜五穀

青色豐歡喜

白色國興盛

黑色境減損

此名火十色

如是餘契經說謂痛等痛別痛覺是痛此雖多名是一痛如是餘契經說偈

釋統熏大

千眼拘翼

日夫天王

因提在後

此雖十名故是一如是說心意識同一義非

若干或曰有差別心者過去意者當來識者

現在或曰界施設心入施設意陰施設識或

曰性義是心義輸門義是意義聚義是識義

或曰猗性憍逸說心性義是界義恃財憍逸

說意輸門義是入義恃命憍逸說識陰者如

怨家或曰思是心覺是意知是識尊者婆婆

羅岑說曰能思能截是心能覺能惻是意能  
知能別是識能思者是有漏能截者是有漏  
能覺者是有漏能惻者是有漏能知者是有  
漏能別者是有漏心意識是謂差別如眼識  
耳鼻舌身意識亦尔問曰眼界云何荅曰謂  
意法已知當知今知及此餘所有已知者過  
去當知者未來今知者現在及此餘所有者  
謂意或空或不空問曰云何法界荅曰謂法  
意已知當知今知已知是過去當知是未來  
今知是現在問曰六識何以不立餘所有荅  
曰行故立六識彼過去意不作行或曰生故  
立六識彼過去意無生法也以是故六識不

立餘所有問曰法界何以故不立餘所有答  
曰已說意當知已略說法界謂彼不說此中  
說謂彼說有餘此說無餘是故法界不立餘  
所有或曰非是因法界故立所有餘所有若  
因法界故立所有餘所有者是一切十二入  
亦當立所有餘所有但非法界故立所有餘  
所有以是故作此論頗色界法中或所有或  
餘所有耶答曰有十色入是所有餘所有謂  
彼生老無常此所有問曰何以故答曰謂彼  
入法界中法界者無餘所有以故尔頗無色  
法中所有餘所有耶答曰有七意界是所有  
餘所有謂彼生老無常此所有問曰何以故

荅曰謂彼入法界中法界者無餘所有以故  
尔頗有處繫在眼彼處亦繫在色亦繫在能  
生眼識耶荅曰或是處或餘處問曰云何是  
處荅曰生欲界見欲界色彼欲界眼欲界色  
能生欲界眼識生初禪中初禪地眼見初禪  
地色彼初禪地眼初禪地色能生初禪地眼  
識此謂是處問曰云何餘處荅曰生欲界中  
初禪地眼見欲界色彼初禪地眼欲界色能  
生初禪地眼識復生欲界二禪地眼見欲界  
色彼二禪地眼欲界色能生初禪地眼識二  
禪地眼見初禪地色彼二禪地眼初禪地色  
能生初禪地眼識二禪地眼見二禪地色彼

二禪地眼二禪地色能生初禪地眼識復生  
欲界三禪地眼見欲界色彼三禪地眼欲界  
色能生初禪地眼識三禪地眼見初禪地色  
彼三禪地眼初禪地色能生初禪地眼識三  
禪地眼見二禪地色彼三禪地眼二禪地色  
能生初禪地眼識三禪地眼見三禪地色彼  
三禪地眼三禪地色能生初禪地眼識復生  
欲界四禪地眼見欲界色彼四禪地眼欲界  
色能生初禪地眼識四禪地眼見初禪地色  
彼四禪地眼初禪地色能生初禪地眼識四  
禪地眼見二禪地色彼四禪地眼二禪地色  
能生初禪地眼識四禪地眼見三禪地色彼

四禪地眼三禪地色能生初禪地眼識四禪  
地眼見四禪地色彼四禪地眼四禪地色能  
生初禪地眼識是謂生欲界如生欲界生初  
禪二禪三禪四禪亦亦是謂餘處頗有餘處  
繫在眼餘處繫在色餘處繫在能生眼識耶  
荅曰有生欲界三禪地眼見欲界色彼二禪  
地眼欲界色能生初禪地眼識復生欲界三  
禪地眼見欲界色彼三禪地眼欲界色能生  
初禪地眼識三禪地眼見二禪地色彼三禪  
地眼二禪地色能生初禪地眼識復生欲界  
四禪地眼見欲界色彼四禪地眼欲界色能  
生初禪地眼識四禪地眼見二禪地色彼四



禪地眼二禪地色能生初禪地眼識四禪地  
眼見三禪地色彼四禪地眼三禪地色能生  
初禪地眼識是謂生欲界如生欲界生初禪  
二禪三禪四禪亦亦是謂餘處繫在眼餘處  
繫在色餘處繫在能生眼識頗有處繫在身  
彼處亦繫在眼亦繫在色亦繫在能生眼識

耶荅曰或是處或餘處問曰云何是處荅曰  
生欲界欲界眼見欲界色彼欲界身欲界眼  
欲界色能生欲界眼識生初禪初禪地眼見  
初禪地色彼初禪地身初禪地眼初禪地色  
能生初禪地眼識是謂是處問曰餘處繫云  
何荅曰生欲界初禪地眼見欲界色彼欲界

身初禪地眼欲界色能生初禪地眼識初禪  
地眼見初禪地色彼欲界身初禪地眼初禪  
地色能生初禪地眼識復生欲界二禪地眼  
見欲界色彼欲界身二禪地眼欲界色能生  
初禪地眼識二禪地眼見初禪地色彼欲界  
身二禪地眼初禪地色能生初禪地眼識二  
禪地眼見二禪地色彼欲界身二禪地眼二  
禪地色能生初禪地眼識復生欲界三禪地  
眼見欲界色彼欲界身三禪地眼欲界色能  
生初禪地眼識三禪地眼見初禪地色彼欲  
界身三禪地眼初禪地色能生初禪地眼識  
三禪地眼見二禪地色彼欲界身三禪地眼

二禪地色能生初禪地眼識三禪地眼見三  
禪地色彼欲界身三禪地眼三禪地色能生  
初禪地眼識復生欲界四禪地眼見欲界色  
彼欲界身四禪地眼欲界色能生初禪地眼  
識四禪地眼見初禪地色彼欲界身四禪地  
眼初禪地色能生初禪地眼識四禪地眼見  
二禪地色彼欲界身四禪地眼二禪地色能  
生初禪地眼識四禪地眼見三禪地色彼欲  
界身四禪地眼三禪地色能生初禪地眼識  
四禪地眼見四禪地色彼欲界身四禪地眼  
四禪地色能生初禪地眼識是謂生欲界如  
生欲界生初禪二禪三禪四禪亦亦是謂餘

處頗有餘處繫在身亦餘處繫在眼亦餘處  
繫在色亦餘處繫在能生眼識耶答曰有生  
欲界三禪地眼見二禪地色彼欲界身三禪  
地眼二禪地色能生初禪地眼識復生欲界  
四禪地眼見二禪地色彼欲界身四禪地眼  
二禪地色能生初禪地眼識四禪地眼見三  
禪地色彼欲界身四禪地眼三禪地色能生  
初禪地眼識是謂生欲界生二禪三禪地眼  
見欲界色彼二禪地身三禪地眼欲界色能  
生初禪地眼識復生三禪四禪地眼見欲界  
色彼二禪地身四禪地眼欲界色能生初禪  
地眼識四禪地眼見三禪地色彼二禪地身

四禪地眼三禪地色能生初禪地眼識是謂  
生二禪如生二禪三禪亦亦是謂餘處如眼  
界色界眼識界說已耳界聲界耳識界亦亦  
頗有處繫在鼻彼處亦繫在香彼處亦繫在  
能生鼻識耶答曰有欲界鼻欲界香能生欲  
界鼻識如鼻界香界鼻識界說已舌界味界  
舌識界亦亦頗有處繫在身彼處亦繫在細  
滑彼處亦繫在能生身識耶答曰或是處或  
餘處問曰云何是處答曰生欲界覺欲界細  
滑彼欲界身欲界細滑能生欲界身識生初  
禪覺初禪地細滑彼初禪地身初禪地細滑  
能生初禪地身識是謂是處問曰云何餘處

答曰生二禪覺二禪地細滑彼二禪地身二  
禪地細滑能生初禪地身識生三禪覺三禪  
地細滑彼三禪地身三禪地細滑能生初禪  
地身識生四禪覺四禪地細滑彼四禪地身  
四禪地細滑能生初禪地身識謂細滑能覺  
目地非覺他地是謂餘處頗有處繫在意彼  
處亦繫法彼處亦繫在能生意識耶答曰或  
是處或餘處問曰云何是處答曰生欲界中  
知欲界法彼欲界意識欲界法能生欲界意識  
如是至生有想無想地知有想無想地法彼  
有想無想地意有想無想地法能生有想無  
想地意識此謂是處問曰餘處云何答曰生

欲界中知初禪地法彼欲界意識初禪地意識  
法或三界繫或不繫初禪次第知欲界法彼  
初禪地意識欲界意識法或初禪地或至有  
地無想地彼生欲界中知二禪地法彼欲界  
意識二禪地意識法或三界繫或不繫二禪次  
第知欲界法彼二禪地意識欲界意識法或二  
禪地或至有想無想地彼生欲界中知三禪  
地法彼欲界意識三禪地意識法或三界繫或  
不繫三禪次第知欲界法彼三禪地意識欲界  
意識法或三禪地或至有想無想地彼生欲  
界中知四禪地法彼欲界意識四禪地意識法  
或三界繫或不繫四禪次第知欲界法彼四

禪地意識欲界意識法或四禪地或至有想無  
想地彼生欲界中知虛空地法彼欲界意虛  
空地意識法或三界繫或不繫虛空處次第  
知欲界法彼虛空地意識欲界意識法或虛空  
地或至有想無想地彼生欲界中知識地法  
彼欲界意識地意識法或三界繫或不繫識  
處次第知欲界法彼識地意識欲界意識法或  
識地或至有想無想地彼生欲界中知不用  
地法彼欲界意不用地意識法或三界繫或  
不繫不用處次第知欲界法彼不用地意識欲  
界意識法或不用地或有想無想地彼生欲  
界中知有想無想地法彼欲界意有想無想



地意識法或三界繫或不繫有想無想處次第  
第知欲界法彼有想無想地意識法  
有想無想地是謂生欲界中生初禪中知二  
禪地法彼初禪地意識法或三界  
繫或不繫二禪次第知初禪地法彼二禪地  
意識法或初禪地或至有想無想  
地彼生初禪中知三禪地法彼初禪地意識三  
禪地意識法或三界繫或不繫三禪次第知  
初禪地法彼三禪地意識法或初  
禪地或至有想無想地彼生初禪中知四禪  
地法彼初禪地意識法或三界繫  
或不繫四禪次第知初禪地法彼四禪地意

初禪意識法或初禪地或至有想無想地彼  
生初禪中知空處地識處不用處有想無想  
處地法彼初禪地意有想無想地意識法或  
三界繫或不繫有想無想次第知初禪地法  
彼有想無想地意初禪地意識法或初禪地  
或至有想無想處地是謂生初禪如生初禪  
至生有想無想處亦尔此說是生問曰云何  
正受答曰欲界善心次第初禪正受彼欲界  
意初禪意識法或三界繫或不繫初禪次第  
二禪正受順彼初禪意二禪意識法或三界  
繫或不繫從二禪初禪正受逆彼二禪意初  
禪意識法或初禪地或至有想無想處地初

禪次第三禪正受順超彼初禪意識三禪意識  
法或三界繫或不繫從三禪起初禪正受逆  
超彼三禪意識初禪意識法或初禪地或至有  
想無想地二禪次第三禪正受順彼二禪意  
三禪意識法或三界繫或不繫從三禪起二  
禪正受逆彼三禪意識二禪意識法或二禪地  
或至有想無想地二禪次第四禪正受順超  
彼二禪意識四禪意識法或三界繫或不繫從  
四禪起二禪正受逆超彼四禪意識二禪意識  
法或二禪地或至有想無想處三禪次第四禪  
正受順彼三禪意識四禪意識法或三界繫或  
不繫從四禪起三禪正受逆彼四禪意識三禪

意識法或三禪地或至有想無想地三禪次第虛空處正受順超彼三禪意識虛空處意識法或三界繫或不繫從虛空處起三禪正受逆超彼虛空處意識三禪識法或三禪地或至有想無想地四禪次第虛空處正受順彼四禪意識虛空處意識法或三界繫或不繫從虛空處起四禪正受逆彼虛空處意識四禪意識法或四禪地或至有想無想地四禪次第識處正受順超彼四禪意識法或三界繫或不繫從識處起四禪正受逆超彼識處意四禪意識法或四禪地或至有想無想地虛空處次第識處正受順彼虛空處意識處

意識法或三界繫或不繫從識處起虛空處  
正受逆彼識處意識虛空處意識法或虛空處  
或至有想無想處虛空處次第不用處正受  
順超彼虛空處意不用處意識法或三界繫  
或不繫從不用處起虛空處正受逆超彼不  
用處意識虛空處意識法或虛空處或至有想  
無想地識處次第不用處正受順彼識處意  
不用處意識法或三界繫或不繫從不用處  
起識處正受逆彼不用處意識處意識法或  
識處或至有想無想處識處次第有想無想  
處正受順超彼識處意有想無想處意識法  
或三界繫或不繫從有想無想起識處正受

逆超彼有想無想處。意欲處意識法或識處。或至有想處。從不用處。次第有想無想處。正受順彼不用處。意有想無想處。意識法或三界繫或不繫。從有想無想處起。不用處。正受逆彼有想無想處。意不用處。意識法或不用處。或有想無想處。是謂正受。問曰。餘正受云何。答曰。此設欲界四種變化意。一者初禪果二者二禪果三者三禪果四者四禪果。初禪果變化心。次第世俗初禪。現在前。彼欲界意初禪意識法者。彼變化或六入或四六者。已心住四者。非已心住世俗初禪。次第初禪果欲界變化化彼初禪地。意欲界意識法者。變

化或六入或四入問曰應有六何故四答曰  
彼不化香味故問曰何以不化香味答曰莫  
今成就是故不化更有說者彼化香味但彼  
有成就如女有女根男有男根但彼不成就  
如是彼化香味但不成就如是說者必化香  
味欲界二禪果變化心次第世俗二禪現在  
前彼欲界意二禪意識法者或六入或四世  
俗二禪次第二禪果欲界變化化彼二禪意  
欲界意識法者變化六入欲界三禪果變化  
心次第世俗三禪現在前彼欲界意三禪意  
識法者或六入或四世俗三禪次第三禪果  
欲界變化化彼三禪意識法者變化

六入欲界四禪果變化心次第世俗四禪現  
在前彼欲界意識四禪意識法者彼變化或六  
或四世俗四禪次第四禪果欲界變化化彼  
四禪意識欲界意識法者變化六入此餘正受  
也問曰若成就眼界彼亦成就色界耶荅曰  
如是若成就眼界彼亦成就色界頗成就色  
界不成就眼界耶荅曰有生欲界不得眼界  
設得便失不得者生盲及處母胎卵膜漸厚  
設得便失者如眼界若脫若腐若破若墮若  
挑若陷若縹若瞠若烟若塵如是餘患壞眼  
也問曰若成就眼界彼亦成就眼識界耶荅  
曰或成就眼界非眼識界云何成就眼界非



眼識界。答曰：生二禪三禪四禪。眼識界不現  
在前，是謂成就眼界。非眼識界云何成就眼  
識界？非眼界耶？答曰：處胎卵膜漸厚，若生欲  
界，不得眼根，設得便失，是謂成就眼識界。非  
眼界云何成就眼界？亦成就眼識界耶？答曰：  
生欲界具諸根，亦生初禪及生二禪三禪四  
禪。眼識界現在前時，是謂成就眼界。亦成就  
眼識界云何不成就眼界？亦不成就眼識界  
耶？答曰：生無色界，是謂不成就眼界。亦不  
成就眼識界。問曰：若成就色界，彼亦成就眼識  
界耶？答曰：或成就色界，非成就眼識界云何  
成就色界？非眼識界耶？答曰：生二禪三禪四

禪眼識界不現在前時是謂成就色界非眼  
識界云何成就眼識界非色界耶答曰此無  
也云何成就色界亦成就眼識界耶答曰生  
欲界具諸根亦生初禪及生二禪三禪四禪  
眼識界現在前時是謂成就色界亦成就眼  
識界云何不成就色界亦不成就眼識界耶  
答曰生無色界是謂不成就色界亦不成就  
眼識界問曰若不成就色界彼亦不成就眼  
界耶答曰如是若不成就色界彼亦不成就  
眼界頗不成就眼界非不色界耶答曰有生  
欲界不得眼根設得便失問曰若不成就眼  
界彼亦不成就眼識界耶答曰或不成就眼

界非眼識界云何不成就眼界非眼識界答  
曰處胎卵膜漸厚若生欲界不得眼根設得  
便失是謂不成就眼界非眼識界云何不成  
就眼識界非不眼界答曰生二三四禪眼識  
界不現在前是謂不成就眼識界非不眼界  
云何不成就眼界眼識界答曰生無色界是  
謂不成就眼界眼識界云何非不成就眼界  
眼識界答曰生欲界具足眼根生初禪亦生  
二三四禪眼識界現在前是謂非不成就眼  
界眼識界問曰若不成就色界彼亦不成就  
眼識界耶答曰如是若不成就色界彼亦不  
成就眼識界頗不成就眼識界非不色界耶答

曰有生二禪三禪四禪眼識界不現在前也  
問曰若眼界成就得不成就彼亦色界成就  
得不成就耶答曰如是若色界成就得不成  
就彼亦眼界成就得不成就頗眼界成就得  
不成就非色界耶答曰有生欲界得眼根便  
失也問曰若眼界成就得不成就彼亦識界  
成就得不成就耶答曰或眼界成就得不成  
就非眼識界云何眼界成就得不成就非眼  
識界答曰生欲界得眼根便失是謂眼界成  
就得不成就非眼識界云何眼識界成就得  
不成就非眼界答曰生二三四禪從眼識界  
起是謂眼識界成就得不成就非眼界云何

眼界成就得不成就亦眼識界答曰欲色界  
沒生無色界是謂眼界成就得不成就亦眼  
識界云何非眼界成就得不成就亦眼識界  
答曰生欲界具足眼根生初禪亦生二三四  
禪眼識界現在前是謂非眼界成就得不成  
就亦眼識界問曰若色界成就得不成就彼  
亦眼識界成就得不成就耶答曰如是若色  
界成就得不成就彼亦眼識界成就得不成  
就頗眼識界成就得不成就非色界耶答曰  
有生二禪三禪四禪從眼識界起也問曰若  
不成就眼界得成就彼亦色界不成就成  
就耶答曰如是若色界不成就成就彼亦

眼界不成就得成就頗眼界不成就得成就  
非色界耶荅曰有生欲界不具眼根獲眼根  
也問曰若不成就眼界得成就彼亦眼識界  
不成就得成就耶荅曰或眼界不成就得成  
就非眼識界云何眼界不成就得成就非眼  
識界荅曰生欲界眼根不具得眼根是謂眼  
界不成就得成就非眼識界云何眼識界不  
成就得成就非眼界荅曰生二禪三禪四禪  
眼識界現在前是謂眼識界不成就得成就  
非眼界云何眼界不成就得成就亦眼識界  
荅曰無色界沒生欲色界是謂眼界不成就  
得成就亦眼識界云何非眼界不成就得成

就亦眼識界。答曰：生欲界、眼根具足，生初禪亦生二禪、三禪、四禪。眼識界現在前，是謂非眼界。不成就，得成就，亦眼識界。問曰：若不成就，色界得成就，彼亦眼識界。不成就，得成就，耶？答曰：如是。若不成就，色界得成就，彼亦眼識界。不成就，得成就，頗不成就，眼識界得成就，非色界。耶？答曰：有生二、三、四禪，眼識界現在前也。如眼界、色界、眼識界，餘界亦爾。廣說十八界處盡。

鞞婆沙論卷第五

洛

白鑽

下郎

鈆錫

上音緣

竹篾

下莫

統

他孔

恃

音·市

倚

羅

琴

下

音

別

吾

月

友

腐

壞

也

挑

土

彫

反

陷

咸

字

去

聲

若

縟

青

下

正

小

反

晴

一


計

作

也

醫

眼



反

正



